

T5409/7920.21(12)

12

HARVARD-YENCHING LIBRARY
HARVARD UNIVERSITY
2 DIVINITY AVENUE

NOV 30 1966

贈胡地官次韻吳明府蘇桓

有一范仲淹人將重名節
馬上地曹郎翩翩起
吾身

引滿花下杯
延緣坐中客
醉不大袖歌
飛云此
門窄

題林府尊壽家慈書後

馬尾綠封新
緞壽老親
古今試一換
藉用白
芽人

題胡地官集古偈和卷後

贈胡地官次韻吳明府獻臣

哈佛大學哈佛燕京
圖書館珍藏印

有一范仲淹人將重名節馬上地曹郎翩翩起
吾粵

引滿花下杯延緣坐中客醉不大袖歌孰云此
門窄

題林府尊壽家慈書後

馬尾緣封事魚緘壽老親古今誠一揆藉用白
茅人

題顧通府集古倡和卷後

滿眼珠玉光。高才極雄騁。對之不敢言。稚子來
弄影。出化書

訪客舟中

船頭酒多少。船尾閣春沙。恰到溪窮處。山山松
殼花。

夢後作

策杖獨行游。青山一何深。道逢采藥人。問我松
脂林。

見月時一吟。夜涼天稱心。回頭望東川。流水無

古今

幻迹有去來。達觀無古今。長嘯人不聞。山風吹
蘿襟。

楊柳餘朽株。梧桐但疎陰。小臥不出門。不知秋
已深。

贈鄺筠巢

山中一夜秋。老屋居然別。丈人不飲酒。共坐看
明月。

客乞題隨時子軒

白子全集 卷五 四
無兩笠且置未晴蓑不捨蓑笠用不窮我是隨時者

題扇

東艇拍西艇小拍庸何傷夕風起驚濤艇艇爭
低昂
一夫看正揚一夫髮盡禿日暮船正歸前江風
拔木

蔣韶州世欽挽詩

治郡聲名遠如何是我詩青山韶石老回首盡

交期

在事形骸外如今一夢休曹溪分我茗猶說蔣

韶州

周京聞母喪歸弔以是詩

萬里無歸耗形將一木親遺言入肝肺真得太
夫人

題南窓壁

南風吹面處不省是南窓此意無人會乾坤落
酒缸

雨後示劉宗信林時嘉

一雨變新涼。炎埃洗除盡。廬山昨夜燈已照。劉

宗信。

秋來亦淫潦。日月闕其光。乾坤丈夫事。千古空

堂堂。

漫筆

幅巾是秀才。袈裟是和尙。伎倆人共知。長篇事

標榜。

神泉八景為饒鑑賦其四贈之

太極涵虛

混沌固有初。渾淪本無物。萬化自流形。何處尋

吾一。

浮螺得月

道。大小同。乾坤一螺寄。東山月出時。我在觀

溟。

茶山分香

江門白藕花。我榻廬山頂。君若去茶山。茶香復

誰領。

神泉漱玉

焦明亦是鳳。螢焰只疑燈。安得石上泉。為洗世
中盲。

九日

霜前淡淡花。縣內深深酒。今日陶淵明。廬山作
重九。

同俗不同俗。山杯映秋菊。仍聞席上歌。不是人
間曲。

秋舞重陽酒。今年有去年。山中八石榻。榻榻是

回仙

讀李評事承芳文

著論必無同。乾坤孰此容。人扶周孔教。用世且
無功。

一囊包宇宙。到手問綱常。所以東坡老。嚶嚶薄
武王。

不薄論交意。因書稍稍知。還將天下眼。照破老
夫痴。

送劉宗信還增城

夜宿黃雲塢。秋登碧玉樓。歸時一片石。見月過羅浮。

山到鐵橋西。青天一角低。送君高處望。天與帽簷齊。

菊花笑我前。梅花撩我後。問花花不言。駐楫增江口。

山人偶出村。送客村南道。江山風日佳。歲月乾坤老。

贈張叔亨侍御出按雲南

到治一萬里。使君行莫遲。梅花開樹樹。不是向南枝。

碧玉樓晚望

樓遠見諸山。目短意不盡。天陰水怪興。碧玉所以鎮。

贈克脩別駕遷梧州守來別白沙贈之

甲兵滿一船。江門來訪別。贈君欲何言。笑把梅花折。

少年恣行遊。老病徒拘綴。送君今夜心。還到蒼

白沙先生全集 卷五 四九

梧去。

贈陳護湛兩

說到忘言處。無詩可贈君。許將臨別意。一點落黃雲。

君若問鳶魚。鳶魚體本虛。我拈言外意。六籍也無書。

送李子長在懷集取道謁張梧州

春棹去江門。沂流焉汲汲。點筆烟外山。歸來看懷集。

不聞端別駕。敬士如子長。問道蒼梧下。登歌刺史堂。

贈范能用

溽暑不可處。清風時滿樓。如何傳別教。衲被坐蒙頭。

瓦籍見孫登。只聞孫登嘯。針在繡不傳。繡傳針不妙。

西良容倫醜。荔枝非桂州。本色戲以是。詩口溢桂州漿。眼定西良色。我是荔枝仙。何人解

漫得。

壽南山翁七十

朝看亦南山。暮看亦南山。南山長不老。聊以永君年。

萬株松上花。千日杯中酒。兒孫戲膝前。一舞一回壽。

贈太守黃公

水白端陽色。梅紅嶺上花。春風迎度馬。秋月候歸槎。

題宋丞相陳俊卿畫像

御史鐵爲肝。張秦掛舌端。至今湖嶠月。猶作太師看。

題宋狀元陳文龍畫像

文章甲天下。氣節愧當時。公母亦滂母。千秋名其馳。

梁惟正鄧德昌往來白沙途中遇盜惟正以舟泊淺奔于岸避之德昌抱書立船頭盜不加害戲贈以詩

道逢惡少年打破兩生敬試問鄧德昌何如梁
惟正

曉枕偶成

采義非采薇食薇不食粟遙遙望西山千古差
峩獨

西北多奇峯雲深香難認漢廷無謀臣黃綺皆
真隱

度危橋

事至絕安排脚踏高崖如何謝上蔡旦旦習

危階

贈閔督府還陞南京秋官

司寇今欲行病叟山中臥如聞經略憂未向春
風破

吾聞用世心中外無異等何由一送公細話東
西省

贈林府尊

彼曰春泥人此曰人泥春晨朝出相送向夕望
歸輪

贈李克常

桃花被東岸。江水日日深。贈君豈無言。亦有花水吟。

感事漫述與王樂用

丁侯爲縣時。不與謁者通。古稱奉法吏。秉筆惟至公。

留情重留情。獄事果難明。無輕赤子命。爲官急書程。

士而未聞道。未免爲物撓。卓哉安心人。外事若無好。

舍已莫委命。從人莫登山。嗚呼羅一峯。逐善如轉圜。

寄淮上秋官姜仁夫

問客淮南道。停舟過此無。廬岡一端帛。爲我謝仁夫。

答王按治求乃翁挽四絕

樂善堂

樂善機應熟。垂聲教不窮。江山無盡意。猶在典

刑中

月湖別墅

水月非無主。長懷別墅秋。湖光一萬頃。端爲此翁留。

可怡亭

此地還成趣。庭柯幾度秋。亭中人不見。月照門前山。

吳山壽藏

山隱一坏土。人思百代傳。無窮身後事。未若子孫賢。

題丁長官廟

何時重借寇。此地一桐鄉。四海諸侯望。千年一炷香。

會翠亭

東池久寂寞。會翠得佳名。小詩拈未出。去尋王右丞。

吳王簿詩主簿名則宜。平人吳黃門仕偉之父也。

軍門止殺 按狀正統己巳閩城賊流毒
處民蟻附 朝命大司馬孫公原貞夷之
知先君謀略禮致幕下贊畫百協邑有三
巖民多避難於上偏脅之衆亦有聞義而
歸者命先君統之推誠示信無不感服寇
平孫又欲行法先君泣曰殲厥渠魁脅從
罔治矧旣歸命殺之不祥竟得免奏功授
絕村巡檢

泣 天應見坑降地不知自然歿慶至天道不

須疑

過與弗取 按狀景泰間分麗水爲宣平
復命先君董其役伐木於山役力於民期
年而功成孫曰難平邑作皆爾之能餘木
尚多可治爾居先君辭曰功成於上愚下
何有明公芟夷大難布德於瘡痍之民一
方獲安某也受賜多矣且官物不可入私
門未敢如命孫益敬之

自世高公綽千金謝魯連胸中無雅度勝事竟

白沙子全集
卷五
誰傳

卜築西溪 按狀鮑村任滿陞華亭主簿
愛民如子處國如家凡有議讞多稱平焉
且疏于下民濬河渠禁賄賂等十事于
朝皆賜可松之地狹于蘇而漕數反出其
上又爲民陳情得減北運一萬石事載雲
間志在松十年勤勞罔懈僅五十而二毛
蕭然歎曰天道四時功成者退庸可不知
止乎遂乞致仕而歸卜築西溪之上

主簿能經濟中年未乞身西溪看卜築知是晏
眠人

寄嚴州林郡博緝熙

萬紫千紅外如君故可人桐江都滿樹海驛尚
含春

寄東所

春江正滿時未具衡陽楫還攜鄧俊圭江門與
君別

夢林緝熙

酒闌歌不起。老病無奈何。夢滿桐江兩相對。不成歌。

山樓本無夢。我自夢嚴州。嚴州誰夢我。白雲天際流。

答柯明府

終秉循良筆。難逃俗吏媮。不知三考績。課最竟何須。

贈雷少尹還汀州

枯樺滿天地。抱甕古來難。哦松非俗吏。哦松不

在山。

覺後

馬圖不出河。鉛刀不割痴。上下幾千年。揜卷一沾衣。

謝姜大叅惠酒

名公遺我酒。洗琖自開嘗。何以酬佳貺。商歌示不忘。

武進八景爲徐嶺南紘作

龍山春雨

長夏龍山曉。人間望忽開。長風捲雨去。復送雲歸來。

笠澤烟波

何處烟波好。公乘笠澤槎。我泛江門月。乾坤共一家。

龜山夜月

夜半龜山月。能開萬頃秋。試從開處望。照公湖上樓。

陳灣壘嶂

丹青

陳灣壘嶂新。我詩君莫笑。還屬姓

陳人

薛堰通津

薛堰歸何處。披圖想具區。古來探本論。無久也無餘。

亭山夕照

亭山不可喻。華頂凌天台。卑高本自形。夕照從西來。

廟墩靈跡

白香山全集 卷五 五
抹溺如救火。造次遂捐生。金陵人去遠。拘鬼不來爭。

板橋書屋

板橋藹吾伊。名稱已蓋世。誰云龜山月。不照新堂睡。

答無錫諸友

碧玉通書久。青天感興新。江門動秋思。聊因寄遠人。

送米與何侃

野饌家禽小。村春晚粒香。莫言無厚餽。吾意在分嘗。

九日用舊韻

新筍壓兩壺。落英攜滿袖。我非陶長官。廬山還九九。

送黃希顏之太平推官

有官五馬後。無官百揆前。不將前後看。須着有無言。

題高璿詩集

神交傾蓋上。心遠著詩時。無由向人道。人亦豈能知。

紀夢

一別三十年。相逢不相識。骨肉為路人。春風淚沾臆。

寄潘留鶴

有時牛亦坐。何處鶴還留。天台二萬丈。誰踏此冥謳。

題伍光宇碑陰

松柏孤高處。春風更可尋。如君有賢配。昭德在碑陰。

答廷實有懷見寄

白雲滿中野。此地即衡山。莫擬西來棹。須防失路難。

謝孟芳遺腹生男

充閭人所喜。今日愴還深。憶我初求乳。誰知母氏心。

贈吳惠州繹思

皂蓋朝。天闕青山道故鄉。高堂開壽筭。醪酌
別莆陽。

鷓鴣

初日上茅簷。江邊有畫船。八哥莫饒舌。有
詔許歸眠。

鷓鴣能言鳥。能言我恨無。白頭書小楷。不及蔡
君模。

九日諸生攜酒飲白沙醉中和答

老病得狂痴。謹呼九日期。自補登山屐。誰供把

酒卮

諸君為飲會。老子不須期。盡數籬前菊。一花拈
一卮。

九九八十一。去來無窮期。元精為我酒。大塊為
我卮。

對酒用九日韻

秋花新氣味。秋月舊襟期。獨唱花前曲。閑傾月
下卮。

行年三十許。已卜入山期。處處開花徑。牀牀是

酒卮

飲酒何必多。醺酣以為期。不辭亦不勸。三卮或

五卮

作詩尚平淡。當與風雅期。如飲玄酒者。器用瓦

為卮

梅花

水陸花無數。南枝愛殺人。遙持一杯酒。江上醉

花神

逢人問除日。君得地曹郎。此意憑誰寄。梅花隱

石床

謂東所也

九日懷麥岐時往江。水未返用前韻

東西填脚債。已過一秋期。一日拈花處。思君第

一卮

茱萸何處酒。勝日與君期。漁翁歌獨釣。江月夜

明卮

六言絕句

周鎬送白菊乞詩

陶令黃金遶舍。君家白玉兩園。千古清風廬阜。

幾叢細雨江門

微醉不須醅。酌半開。莫待
離披安得季芳與語
相思欲寄一枝

白菊偏宜素髮。青山只對蒼顏。燕罷秋香滿腹。
風吹不到長安。

邀丁縣主賞菊

社會賦詩不就。公當酌我杯盤。小酌倘尋舊雨。
東籬還對長官。

題枕

太華峯頭一枕。千秋萬歲通靈。不怕惡蛙驚脈。
鼻端三月雷鳴。

漫興

風灑數莖白雪。月臨一丈青筇。餘事歸詩卷裏。
殘年放酒杯中。

景斜瓦碗方食。日晏柴門未開。五柳前身處士。
一瓢今日顏回。

晨光沼上魚戲。夕陽村邊鳥來。東隣小兒識我。
一日上樹千回。

翠烟綠樹歌鳥青水紅蕖浴鷗笑問五湖范蠡
風濤何處扁舟

七言絕句

伍光字卜室白沙爲讀書之所

君此卜居君亦足空村無人山多木參差芭蕉
麗晨旭新葉新心遞相續
競晨登登聞隔竹東隣老人事幽卜巍甌瓦盆
不供俗我不到門此翁獨

答段錦衣惠藥

藥來詩往共誰忙野老無金與段郎泉石旌旗
俱在眼不應泉石獨膏肓

聞覽山近有車馬之蹟因贈緝熙并寄竹

齋文

白日傳呼攬翠崖誰家玉樹碧雲埋只疑冬酒
開松逕定有山靈怨竹齋

偶成

牆角經春臥短筇千秋塔骨不如公科頭坐轉
茅簷日閑看蛛絲蕩午風

夜坐與童子方祥慶話別偶成

晚飯跣趺竹几安。秋吟涕淚閣燈殘。一詩可送方童子。干煉不如莊定山。

往潮連人事

獨速蓑衣舞我航。數家烟樹隔瀟茫。不將起倒供人事。祇爲看花也未忙。

柳渡月下承茗溪翁約賞中秋月於潮連年顏欲比茗溪老。酒琖同揮夜月圓。來共主人秋半醉。更回楊柳渡頭船。

次韻張叔亨侍御見寄

酒舫當年興未涯。清宵人語白鷗沙。如今縱有相思夢。不到長安御史家。

看柳

淺塘低竹小坵村。黃土牆肩白板門。望見西頭楊柳樹。行人都訝是桃源。

雜興

曲肱深閉倚山閣。照眼不堪臨路花。一身老去何須出。兩腳朝來只欲麻。

倚檻纔看一兩花。不堪終日雨斜斜。先生已結
曾跌坐。還與人間管歲華。
白日幾時生羽翼。金丹負我不神仙。東家茗碗
頻分啜。兩腋清風也可憐。

溪橋晚立示諸郎

溪邊明月掃不去。竹下清風時一呼。天與乃公
供打睡。莫安橋板引樵漁。

齋大父忌作舊居在道娘墳東

道娘墳西近官路。朝朝暮暮行人多。世事百年

渾不省。滿堂賓客竹枝歌。

贈釣伴

短短萋蒿淺淺灣。夕陽倒影對南山。大船鼓枻
唱歌去。小艇得魚吹笛還。

得陳德雍書年九十餘矣猶有願學之志
越客初披手翰新。天涯暮雨欲沾巾。可憐一片
長江水。日夜東流不待人。

望頂湖山

客子正歌山鬼句。篙師欲進頂湖船。遙看落日

蒼梧外。獨立橫。羨古寨邊。

夜過三洲巖。讀濂溪題名示諸生。

山容寂寞紅葉老。江月照耀青天高。題名夜半尋周子。秉炬相隨愛爾曹。

歇馬大徑山

數家烟火隔林塘。一樹寒花晚自香。黃葉塚頭聊歇馬。鷓鴣聲裏近斜陽。

華蓋仙蹤爲謝布。政作時謝已物故。

華蓋山頭雲起時。羣仙雲裏謝彈棋。謝公不用

登山屐。借得千秋一鶴歸。

東軒獨坐

桃花寂寞梨花開。山中薄酒三五杯。村西有客可人意。風雨今朝期不來。

虎夜出

虎頭縋淵雨卽下。山中白額還遭打。今年雨足汝不知。稍出人間食牛馬。

次韻趙提學見寄

蒿萊封徑不腰鎌。長夏山齋睡正甜。風送歌聲

滿天地。驚回殘夢。雨廉纖。

老大行藏敢不疑。曉川紅日睡醒時。昨宵共對崖山雨。如此乾坤那得知。

古有所思

采采紅芳日欲斜。盈盈珠淚落天涯。東風忽攪籬前樹。惱亂春愁只爲花。

卜日修外海赤泥嶺祖墓值雨

冬雨墳頭蒿已生。年年披草祭清明。晚風吹落

攜鉏艇。又聽鞦韆隔水聲。

星夜坐

致酒瓶哦詩燈下一郎清。夜深笑怕

亂階前落葉聲。

山下感舊

西風吹老錦巖春。遺跡荒涼此水濱。雲氣不遮

西望眼。青山剛對獨歸人。

西樵山前暝鶴歸。縞衣雙拂錦屏飛。淒涼夜半

孤舟客。一聽遺音淚滿衣。

德孚先生留此眼。南山揮手白沙船。伍光字號小南山

江山此日三人別。誰道人生無百年。

示建旌節亭役者

照曜乾坤功不小。此風此日更須扶。泮宮畚土皆民力。不共城郎一例書。

次韻趙提學留別白沙

列炬溪邊樹影斜。隔花遙迓使君車。酒杯欲別微風起。吹動馨香下柳沙。

蕉麗望羅浮

翠錦爲山日錦雲。畫工傳影不傳神。今朝蕉麗

江頭望。爽何由得傍身。

黃連濬卽事

青草橋邊船未歸。曲川微雨暗荆扉。江村盡日無來往。夫在東臯婦給炊。

上帆

蜻蜓翅短不能飛。欵欵隨風墮客衣。此是天人相合處。蒲帆高掛北風歸。

初晴

初晴樓上燕飛飛。樓下歌人白苧衣。一曲未終

白沙子全集
卷五
三
花落去。滿林啼鳥送春歸。

落花

落花半落流水香。鳴鳩互鳴春日長。美人別我在江浦。欲來不來空斷腸。

清曉

來款屏風吹衫袖。白披披昨宵雨打。怪先生下榻遲。

花相催江水東流不復回。扶杖江頭

看花樹不知笑向酒家來

喜生姪

兩翁筋力少翁衰。竹杖先堪付若兒。只恐暮年詩更逸。出門須背錦囊隨。

新設紙帳軒中

如雲白紙罩方牀。翠簟眠穿我固當。世到葛天終不遠。先生枕外卽羲皇。階面苔侵牡蠣墻。小軒容易領年光。只從今夜床頭月已照先生鬢脚霜。

送鍾地曹入京

十年自汗不曾乾。枕上殘書白首看。莫道無心與君別。樽前更覺別君難。

感事

人間骨肉薄秋雲。一事朝來不忍聞。何處青山封宿草。欲將衰淚灑孤墳。

平生交態如兄弟。此日悲歌聞路人。欲寄秋風兩行字。九原無雁獨憐君。

宿倪麟所石榴花秋開

老蟾半影秋如水。曙角一聲霜滿街。白髮山人到城府。石榴花下借眠來。

催諸友九日詩課

九日樓前客令新。黃花愛酒不饒貧。勸君火急交詩課。纔到明朝罰主人。

題杜少陵小影次韻柳文肅

孟子詩肩高聳山。杜陵談笑古風還。世間還對憂時畫。美酒花前已破顏。

與舊童子

神樂燒茶伴老夫。昔時童子今生鬚。青春過眼
如流水。白雪滿頭非故吾。

謝惠酒

白髮蒼顏老石齋。出門秋思滿天涯。極憐紫酒
逡巡有。不負黃花點綴佳。

五月二十七夜颶風作屋漏

燈殘四壁漏痕斜。老屋回風落細沙。乾坤更有
晴明日。爲報家人莫怨嗟。

題畫

赤壁磯頭天欲曙。縞衣和夢掠舟西。欲尋故處
何由見。長恨今人畫亦非。

題月溪卷

月出東方白漲溪。溪翁行樂溪東西。相思欲過
隔溪去。南斗無光北斗低。

贈周鎬兄弟

周生兩馬齊兩鞭。京指長安鎬在山。今夜尊前
看秋月。明年秋月憶尊前。

秋日

山河一望仲秋前。楓葉初黃水半川。路上行人
不歸去。北風吹爾過殘年。
木犀未發奈蓮空。小女來方剪絲工。不信衰榮
是天道。覓花無處怨西風。

閱馬氏均田文

王侯尚愛橐中裝。何況田家第與兄。孟子未知
人世事。獨將仁義教齊梁。

贈鄧栢林其人貌似伍光宇

南山面目偶然同。又向人間見此翁。碧蘿窓下

一杯酒。猶勝良宵夢裏逢。

此老若是石曼卿。此山便是芙蓉城。高歌獨控
青驪去。是有風流萬古情。

喜雨

滿眼珠玉不足珍。甘雨一灑萬家春。昨日蒼頭
木洲至。又道木洲饑殺人。

將如東莞聞途中盜發不果

扁舟東過扶胥口。一日二日之便風。何故三旬
不成行。仰船岡下賊旗紅。

題朴軒

葛洪亦號抱朴子。安知朴翁不是仙。莫將甲子編年看。人道翁生大撓前。

題應憲副真率卷

今古一杯真率酒。乾坤幾個自由身。春風回首黃巖會。醉插花枝少一人。

茶園曲寄治香櫃袁暉

峽東灣灣一水長。商船無日不蘇杭。千村萬落無窮樹。盡是袁郎櫃裏香。

插花

巖前上馬興難拏。卯酒三鍾帽半斜。兩鬢馨香齊插了。賽蘭花間木犀花。

訪山家次韻

樛枝逕口郎迎馬。語鳥籬前妾掃雲。笑殺王翁忙出戶。手提筐果喚厨人。

清泉煮蕨愛山家。夜飲西巖望月斜。澗底白雲留不住。半隨紅雨落天涯。

蕭黃門書來見責久無書用舊韻答之

諫官一字照天涯。南海年年問釣沙。滄波不與黃門信。笑殺龍鍾百姓家。

平鄉伯陳公以紫茄花絹爲家慈壽詩以謝之

吳紈衫色紫茄花。老親着時衆口誇。小兒奉酒歌七字。持獻軍門表拜嘉。

景雲偕范規海上割稻

犬子給炊海上舟。范生打漿兩同遊。田中割稻家中望。逢著諸仙莫浪投。

招訟者歸

越王城裏塵隨馬。刺史衙前吏喝人。此日王孫不歸去。舊遊芳草可憐春。

中秋期諸友不至

山妻有錢肯沽酒。諸友賦詩期不來。范生也逐吾兒去。一夜清光對玉臺。

贈鄺載道之淮陽別駕前御史謫黃巖

十年花縣眼中人。別駕淮陽又幾春。曾共烏臺高十仞。鄭郎今着白綸巾。鄭紀也

感事

齒本生來不著唇。啾啾衆口劇鵝羣。鼻雷自炒元城耳。夜半鐘聲那得聞。

木犀四絕寄倪麟

正月山桃委地紅。柳塘還捲落花風。木犀一樹渾堪賞。盡日相看烟雨中。

風雨歸來問小奴。藥欄花架費人扶。黃昏雨歇茅簷月。只有木犀對老夫。

春城無日不思家。風雨經旬損物華。竹色四時長不改。平安先報木犀花。

風吹雨打只傷神。白首龍鍾尚愛春。花意未應嫌老醜。十年前是種花人。

題兩山居士卷

墨水翻騰作巨川。兩山何處灑雲烟。醉中亦有臨池興。悵望名家不敢言。

題東所卷

東所詩成月滿衣。乾坤無語鬼神悲。郎今欲到飛雲去。說與兩山居士知。

問鄺琪病

鄺生病肺今何如。獻歲初驚得手書。我有丹方
欲傳與。小藜床上半跏趺。

次韻陳冷庵僉憲見寄

擊壤聲中酒國春。海風吹老石邊身。桃花幾樹
衡門下。我是唐虞一輩民。

乾坤畫筆久荒蕪。誰作臨江五老圖。聞道遠師
將結社。華巔猶得照鄱湖。

一十四年居海濱。偷將水月洗心塵。今朝偶得

西江使。溟海猶堪把贈人。

別意

江閣醒眠秋正涼。西風殘漏轉離腸。不知天道
平分未。已覺人間一夜長。

悼林暎

一日之雅亦爲哀。鍾淑相隨入夜臺。此生未了
男兒事。也向扶胥打坐來。

木犀開時江右李。士達劉希孟已去。容貫
范規江浦未還。因有獨賞之歎。

嶺北書生嗟去早。江東遊子惜歸遲。重陽將近無風雨。正是木犀初發時。

先子忌日作

生來只見山頭土。祭諱惟聞月下螢。五十四年天頗近。諸孫羅列拜成行。

題畫

茅簷秋颭酒旗風。舟入蒹葭月半籠。醉睡不知家遠近。醒來依舊五湖東。

寒山鍾近不成眠。人在姑蘇半夜船。何處明朝

正堪望。吳王宮苑草芊芊。

金陵城西趨市郎。負戴不厭江路長。百花橋頭換美酒。歸與漁父歌滄浪。

古耶道中有懷

翠烟浮隴麥初齊。社樹青。青獨鳥啼何處。相思不相見。木綿花下水門西。

小湘峽食嘉魚

兩山斷處小湘峽。十月嘉魚出水鮮。引滿阿儂生日酒。微吟空記屬牛年。

自三洲還至祿步村

江流夾束午風柔。城郭歸來祿步舟。惆悵碧桃

歌舞散。黃茅烟裏一鞦韆。

過清遠峽

行人初上峽西頭。已有心隨下峽舟。天下名山

皆可愛。夢中慈母不來遊。

讀鱷魚文

刺史文章天下無。海中靈物識之乎。如何皇甫

兼逢吉。不及潮州一鱷魚。

食蜺

家住東南蜺子村。小鎗風味勝侯門。眼前下筍

非無處。芹曝猶堪奉至尊。

社中

桑林伐鼓酒如川。秋社錢多春社錢。盡道昇平

長官好。五風十雨更年年。

社屋新成燕子來。山丹未落野棠開。三三兩兩

兒童戲。弄水扳花日幾回。

社酒開顏一百家。春風先動長官衙。東君也解

遊人意。紅白交開樹樹花。
社日年年會飲同。東原西
垞鼓鼙。無人不是
桃花面。笑殺河陽樹上紅。

夜酌

侍子焚脂弄小孫。藥爐分
火暖殘樽。東風不管
黃鸝怨。一夜飛紅滿樹根。

問李深之病

竹林花埭酒旗風。秋賞春
遊事事同。伏枕六旬
猶未起。相思紅日滿簾櫳。

沙上

村逕西來入社松。北山終日白雲封。往來獨把
梅花笑。只有沙堆不負公。

秋江喚渡

何處渡頭風浪喧。隔波仙境似桃源。瘦藤倦向
人間去。喚得船來便上船。

春寒

清明天氣如初臘。兩脚雲頭在是春。階下茶蘼
開自晚。不隨紅紫怨東君。

白雲子全集 卷五
一春光景在花枝。三月殊非陰雨時。只有木犀
偏耐冷。小枝簷下對衰遲。
看花何處輾香輪。江上春寒著莫人。衰病未堪
供起倒。且便高枕過殘春。

題樓霞卷

紅霞小塢地仙家。日出耶溪十里花。秋竹垣低
是何處。有人窓下讀南華。

雜興

數行屋。蟻下庭。蕪墻角。扶留綠。映裙。正是滿樓。
山雨過。夕陽惟好。鶉鳩呼。

讀朱晦庵註參同契

神仙不註參同契。火候工夫那得知。千古晦庵
拈一語。可憐無及魏君時。

大水浮舟至七星巖頂題其上

七星巖下醉神仙。猶占龍床水底眠。我有一樽
延壽酒。月明今夜對南山。

蒼梧寄陳庸時館潯州

山形西上水東流。獨泛長江十日舟。無翼可隨

飛鳥去。相思時。復到潯州。

。題林良為朱都憲誠庵先生寫林塘春曉

圖

烟飛水宿自成羣。物性何嘗不似人。得意乾坤隨上下。東風醉殺野塘春。

出肇慶有懷馬玄真

紅塵白浪去來年。細雨秋江看木綿。何處思君君不見。羚羊峽尾七星前。

金州別陳冕

江上東風捲暮旗。木綿花下進舟遲。金州未是窮途別。莫贈黃金只贈詩。

。湯興

粉墻經雨舊成痕。青被扶留直到根。俗吏款門教暫去。隔簾拋果戲諸孫。

畫鷹

落日平原散鳥羣。西風爽氣動秋旻。江邊老樹身如鐵。獨立槎牙一欠伸。

木犀枝上小鶻

翠裙白領眼中無。飛上木犀還一呼。乾坤未可
輕微。物自在天機。我不如。

贈周成

虛無裏面。昭昭應影響。前頭步步迷。說到鸞飛
魚躍處。絕無人力有天機。

春中雜興

春寒著莫絮袍輕。遊走何山更乞晴。夜夢髯翁
作人拜。安知不是白龍精。

小雨如絲落晚風。東君無計駐殘紅。野人不是
傷春客。春在野人杯酒中。

香烟晨入袖中蛇。讀易山齋日未斜。領取乾坤
分付意。扶留生耳木犀花。

端陽後一日里人送角黍酒至

荷葉童子問誰家。老婦簷前駐紡車。角黍喚回
端午夢。還從艾粦得松花。

九日木犀未開

野徑香沉舞蝶稀。柴門樹老著花遲。含章此日
無窮意。只有階前拄杖知。

菊來栗里何須酒。梅到孤山不欠詩。老去未甘
詩酒廢。木犀其那放花遲。

木犀花下待陳秉常

常疑楚客食秋菊。不信唐人醉牡丹。何處木犀
香可愛。須君曾到玉臺山。

謝九江惠菊

誰將此菊種江濱。物色當年漉酒巾。若道淵明
今我是。清香還屬隔江人。

紫菊移來紫水濱。白頭對着白綸巾。花前酌酒

笑未足。酒後簪花笑殺人。

故根迢遞九江濱。歲晚相看此道中。不用詩流
強分別。種花人是賞花人。

鶴袖披翻野水濱。黃花簪破小烏巾。腰間我有
坡翁帶。解與西隣賣酒人。

夜夢見太母急呼諸孫前拜

欲覺未覺夢中夢。有形無形身外身。喜逐悲來
呼不得。曾孫前拜太夫人。

馬肇文惠油酒并錄示哭一峯先生詩及

送林緝熙掌教絕句復以香一束賦三絕
見意

誰以三年報一峯。舒剛益有古人風。一詞亦到
君親地。何處無人覆馬龍。

清油濁酒慰家貧。老子山中但白雲。君欲看雲
須久坐。晴窗端爲起爐熏。

南川釣艇已橫波。裏水漁翁又放歌。今日未知
明日事。且傾君酒爲君哦。

贈周二仔入京 文都家集

故人訝我久無書。只到長安夢亦疎。萬里周郎
知此意。杖藜江上送長鬚。

次韻張廷實東所寄興見寄

天邊暝色將秋至。海上長風送月來。何處無人
識東所。夜分樓上了餘杯。

明月清風放兩頭。一筇挑到古尼丘。而今老去
無筋力。獨坐江槎看水流。

夜緣千尺采松花。服食爲仙未到家。我得丹方
欲傳與。肯捐妻子入烟霞。

路自飛雲過。閨壺仙人迓我久。趙起相期汗漫
歸何處。獨占烟波理釣魚。
放倒瓊林半。醉間半留醒處。著江山病來。只有
冠裳在不帶。朱門一事還。

不求老馬在長途。誰道長安一馬無。伯樂未來
幽薊北。憑君傳語到平湖。

邯鄲枕上看三台。誰撼藜床喚老來。幽事不應
全廢却。夜來風吼澗中雷。

西風吹老木。蘭花水閣氛氳帶晚霞。溪上行人
不相識。隔船對語問誰家。

海上峯巒今屬誰。攜來四百布囊垂。或嫌珠珮
多遺恨。化作長髯未可知。

門下諸生無一個。山童撇却皐皮坐。與儂七尺
青團蒲。今年換與張東所。

沽酒

酒店無錢與。遲初晴天氣。菊殘時。乾坤不放
閑人醉。也到一門酒盞知。

題南浦送別圖爲蔣方伯

白沙子全集 卷五
何人更賣雲錦履。我昔曾過孺子亭。欲寫別離
非此日。西山之浦認丹青。

對菊

花開無酒醉江濱。莫笑人間破葛巾。盧阜長官
歸未得。看花還共去年人。
飡香誰亦到湘濱。西崦東籬濫一巾。去歲金英
曾照我。今年玉蕊又驚人。
白雁南飛到海濱。吟邊芳氣襲衣巾。門通水竹
三丫路。坐對求羊一輩人。

秋英如雪照江濱。板折須防小侍巾。曲檻兩頭
門盡掩。先生元是借花人。
日日狂歌菊澗濱。花神應識玉臺巾。西風爲掃
繁華去。不遣紅芳近老人。
花舫誰撐綠渚濱。道人醉脫碧方巾。東籬不飲
江州酒。彭澤當年未盡人。
精魄當歸楚水濱。天涯聞訃忽沾巾。西風吹醒
蒲團夢。獨對苗花憶故人。
扁舟何處剡溪濱。夜半歸來雪滿巾。爭似一瓢

白沙子全集
秋菊伴。漆園風暖蝶疑人。
我貌不如蘇。瀆。秋風華髮已盈巾。有錢不買
重陽醉。籬下黃花也笑人。
菊坡持酒越江濱。御筆親題與醉巾。丞相九
回徵不起。碧虛長揖夢中人。
知章投老鑑湖濱。還戴華陽羽士巾。元亮也歸
三徑去。至今人笑是痴人。
陶家園裏舊開叢。復入山窓對此翁。一曲一杯
花下醉。人生能得幾回逢。

種扶留用舊韻

輕落藤稍淺打溝。種時須共小遲留。浮生日月
供眠外。付與攜鋤抱甕休。
絮矩工夫但一溝。山中夜雨長扶留。莫教看到
詩人眼。千首鳶魚也未休。

漫興

娉婷鄭女著纖羅。能爲襄王激楚歌。一曲霓裳
都掃盡。尊前無地舞陽阿。

贈麥岐出遊

錯教人意向花濃。萬樹香飄一夜風。行過東津
莫回首。一番春事又成空。
我得無言贈麥岐。乾坤遊走到何時。千山萬水
無窮意。分付芙蓉杖一枝。

八月八夜忽夢玉宇無瑕碧雲燦爛南斗
下大書八字云生生德俊逸超全下有
四人面西而行或隱或見覺後紀以絕句
八字光騰斗外天。碧雲西去擁羣仙。乾坤此夢
無人話。起步中庭月上弦。

贈人

誰將兒女浪千情。春雨來時草又生。夢亦是真
真亦夢。石泉槐火對清明。

悼周鎬

京之兄也京以母命赴
春官鎬亾京南歸在道

一封長夏寄京書。不遣歸來待拜除。誰與行人
報消息。高堂今日要人扶。

一雙玉樹出東溟。豈意先隨曉露傾。三十六年
惟一女。老夫垂淚寫銘旌。

叔子還家定買碑。墓旁將刻老夫詩。詩中不借

閑言語只寫人間母子悲

嗜好平生法帖詩。偶逢方士問刀圭。何人擺脫
浮生事。得似周郎易簣時。

里巷三年六七墳。老年無淚哭交親。數聲願借
遼陽鶴。喚醒人間未死人。

望白龍池

在本邑崑崙山頂

西望不見崑崙池。白龍上天歸何時。望中心逐
飛雲去。半掛玉臺松樹枝。

涵虛數尺鏡光懸。舊是頭陀洗鉢泉。又有山人

來洗耳。白龍休占水中眠。

雲影天光共一池。池中消長白龍知。仙翁騎龍
上天去。只有明月照漣漪。

梅花

一枝低壓塢籬斜。細路穿雲竹半遮。忽被暗香
相引去。小塘詩景在西家。

老樹眠江水。鬻之茫茫水月浸花枝。暗香捲入
滄溟去。不是漁翁那得知。

以籠寒月樹籠烟。香徹龍溪水底天。斜隔竹林

窺未得。更尋西路上漁船。

南枝照水忽先開。漁父灣頭有釣臺。罷釣歸來溪路暝。暗香幾度倩風媒。

孤山山下。一枝梅。春到南枝尚未開。酒醒西樓看月坐。清風湖上捲香來。

朝來溪上弄花九。天地氤氳日月還。無瓦暗香

疎影處。笑呼歐九問孤山。

氣臆壓
倒孤山

梅花撩我又冬殘。落日深山一凭闌。病眼不知花妙處。只將花作野人看。

梅花如雪擁溪扉。漁父村南負酒歸。縱飲不知花落去。酒醒船上見花稀。

日日花邊喚酒船。梅花開處酒家眠。青山一片無人買。誰與先生辦酒錢。

樵客入林聞曙鴉。梅梢殘月暗溪沙。沿溪路盡無人到。更說林逋在處賒。

舍南朝見一枝梅。舍北桃花昨夜開。笑問花開何太急。青春肯逐酒錢來。

南北枝頭月正懸。月中誰此弄溪船。晚來吹入

梅花去。吹到林邊木榻邊。
蒼烟裊樹溪冥冥。夜半江樓笛一聲。悵望錯疑
溪女拆滿頭。只慣插金櫻。

桃花

雲鎖千峯午未開。桃花流水更天台。劉郎莫記
歸時路。只許劉郎一度來。
山中兒女不知秦。無賴漁郎最惱人。溪上桃花
君莫種。東風不貸武陵津。

題袁氏知歸卷

鳥在蒼岑魚在淵。水深林密保生全。秋風莫怨
茅茨破。白首眠看榻頂天。
陰厓水必到滄溟。石罅涓涓勢已成。萬古乾坤
流不盡。望湖亭下更分明。
示我陰陽闔闢機。春陵墨雨灑門扉。直從罔象
前頭見。人與乾坤一處歸。

界江八景

河橋柳色

廬阜清風長官宅。渭城朝雨王維詩。東西綠遍

白沙先生集 卷五 五
河橋路長與離人照酒卮。

驛館槐陰

槐陰覆庭日早午。小吏夜出迎當路。長江閱盡
往來人。淦水西邊此槐樹。

爐渚晴煙

香爐紫烟生一縷。天風吹落蘆花渚。江東行客
歸去來。霑衣猶帶金陵雨。

古阜漁燈

準頭半點夜燃枯。釣得淞江一尾鱸。漁父聯舟

向東岸。東岸人家有酒沽。

界江霽月

玉宇蟾輝秋展鑑。界江水色夜磨銅。乾坤好景
誰無分。只問靈臺得屬公。

西僧禪梵

竹徑風傳西梵聲。隔牆深夜有人聽。山僧老去
無功德。還倚禪門誦佛經。

東閣書聲

閉戶書聲午欲乾。夜闌燈燼落蒲團。

白洋潭全集 卷五 九
朝廷若問觀風使。猶有書郎信長官。

大橋牧笛

山花爭插帽頭紅。蘆葉鳴鳴弄晚風。橋大板平
牛步穩。老牛差後不愁儂。

讀周朱二先生年譜

千年幾見南康守。歎息人間兩譜開。但使乾坤
留一緒。聖賢去後聖賢來。

一語不遺無極老。千言無倦考亭翁。語道則同
門路別。君從何處覓高蹤。

白洋潭魚

白洋風起釣絲飛。夢裏漁蓑此夜歸。明日冷香
橋上望。海鷗相對便忘機。

白洋潭上浩烟波。何處漁歸此放歌。月下聞之
開口笑。江門三尺有藤蓑。

讀定山集

千首鸞花萬蠹魚。眼昏心亂意何如。白頭許我
編摩不。活水源頭洗硯書。

寄張主事

自沙全集 卷五
從來妙處不傳書。十夢人間久不如。試問十洲
三島外。白雲誰伴老仙居。

贈鄒汝愚吏目時館壯哉亭

川雲嶽雨天模糊。萬里山亭此客孤。又借南風
吹一月。酒葫蘆打樂葫蘆。

題伍氏雙喜圖

六怪龍鍾此葛巾。穿花入竹去頻頻。秋風酒熟
下。更與殷勤報主人。

丁全集卷之五

終



Faint, illegible text visible through the paper, likely bleed-through from the reverse side. The text is arranged in vertical columns within a rectangular border.



